



RESOLUCIÓN DA XEFATURA TERRITORIAL DA CONSELLERÍA DO MAR DA CORUÑA, POLA QUE SE DECLARA VACANTE UNHA (1) PRAZA NA MODALIDADE DE MARISQUEO XERAL A PÉ PARA O EXERCICIO DA ACTIVIDADE EXTRACTIVA NO ÁMBITO DA CONFRARÍA DE PESCADORES DE PONTEDEUME

ANTECEDENTES

1. A Orde do 21 de decembro de 2020 pola que se aproba o Plan xeral de explotación marisqueira para o trienio 2021-2023 (DOG Núm. 262, de 31 de decembro de 2020), e de conformidade co expediente de aprobación do plan de explotación de moluscos bivalvos a pé da confraría de pescadores de Pontedeume en autorización (PE403A 2020/9-1) indicábase que para os anos 2021, 2022 y 2023 mantense o número máximo de vinte (20) permisos que poderían participar neste plan.

O número de permisos vixentes nesa entidade era de dezasete (17), por tanto, son tres (3) as prazas por cubrir ata acadar o número máximo de vinte (20) permisos establecidos no plan.

2. O 15.02.2021 esta xefatura territorial remitiu información á confraría de pescadores de Pontedeume sobre as prazas vacantes a pé existentes para a explotación dos diferentes recursos ao abeiro dos plans de xestión aprobados na entidade, para que presentasen as observacións que considerasen oportunas no prazo tres (3) días hábiles. Transcorrido este prazo, non se recibiu ningunha observación.

3. Por resolución do 24.02.2021 da xefatura territorial da Consellería do Mar da Coruña, convocouse proceso selectivo para o acceso ao permiso de explotación na modalidade de marisqueo a pé para o exercicio da actividade extractiva no ámbito da confraría de pescadores de Pontedeume. Neste proceso convocáronse as tres (3) prazas indicadas. Xa que só se presentaron dúas (2) persoas aspirantes no proceso convocado, número inferior o de prazas ofertadas, non foi necesario establecer unha orde de prelación e por tanto proceder á baremación.

4. O 04.05.2021, esta xefatura territorial emite resolución pola que se publica a listaxe de persoas aspirantes seleccionadas no antedito proceso selectivo e abriuse un prazo de quince (15) días hábiles, contados a partir do seguinte ao da publicación da dita resolución, para a presentación de documentación. Transcorrido o prazo indicado, outorgáronse os 2 permisos de explotación ás 2 persoas presentadas por cumprir os requisitos para a obtención.





CONSIDERACIÓNS LEGAIS E TÉCNICAS

1. O Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira –modificado polos Decretos 114/2007, de 31 de maio, e 48/2013, do 7 de marzo- establece nos capítulos I e III as disposicións xerais que rexen os permisos de explotación e os requisitos para a obtención do permiso de explotación para marisqueo a pé.

2. A Orde do 15 de xullo de 2011, pola que se regula o permiso de explotación para o marisqueo a pé, nos seus artigos 6º e 7º regula o procedemento administrativo a seguir nos procesos de selección para ter acceso ao permiso de explotación para o marisqueo a pé.

3. Posto que se convocou proceso selectivo para a cobertura de 3 prazas vacantes e a resolución do proceso conlevou o outorgamento de 2 permisos de explotación, cómpre declarar vacante unha (1) das tres (3) prazas convocadas, para telo en conta en posibles futuras convocatorias.

De acordo co disposto na disposición transitoria primeira do Decreto 245/2009, do 30 de abril (DOG nº 84, do 1 de maio de 2009), polo que se regulan as delegacións territoriais da Xunta de Galicia, e no Decreto 177/2016 (DOG nº 239, do 16 de decembro de 2016), polo que se fixa a estrutura orgánica da Vicepresidencia e das consellerías da Xunta de Galicia, esta xefatura territorial no exercicio das súas competencias,

RESOLVE:

1. Declarar vacante para o presente exercicio unha (1) das tres (3) prazas convocadas na modalidade de marisqueo xeral a pé para o exercicio da actividade extractiva no ámbito territorial da confraría de pescadores de Pontedeume.

2. A presente resolución publicarase no taboleiro de anuncios da xefatura territorial de A Coruña e na páxina web <http://www.mar.xunta.gal>. A resolución tamén se exporá, con carácter informativo, nos taboleiros de anuncios da xefatura comarcal da consellería do Mar en Ferrol e no da confraría de pescadores de Pontedeume.

Contra esta resolución, que non pon fin á vía administrativa, poderá interpoñerse recurso de alzada ante a Conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido establecido nos artigos 30, 121 e 122 da Lei 39/2015 de 1 de outubro, do Procedemento Administrativo Común das Administracións Públicas.

A xefa territorial

María José Cancelo Baquero

